



godišnji izvještaj
2011



KULT u 2011.
Godišnji izvještaj

Izdavač:
Institut za razvoj mladih KULT
www.mladi.org

Sarajevo, 2012.



godišnji izvještaj
2 0 1 1

sadržaj

predgovor	4
statistika	6
projekti	7



predgovor

2011. godina za Institut za razvoj mladih KULT bila je još jedna u nizu uspješnih godina. Nju su obilježili brojna nova partnerstva – bilo s vladinim, bilo s nevladinim sektorom, a većina njih vezana su za provođenje zakona koji se tiču mladih i omladinskog organiziranja.

Institut je u 2011. g. prepoznat od omladinskih organizacija u Federaciji BiH i Brčkom kao pokretač procesa formiranja vijeća mladih, a od omladinskih savjeta u Republici Srpskoj kao resursni i savjetodavni centar za donošenje lokalnih omladinskih politika i institucionalnog jačanja ovih krovnih omladinskih organizacija.

Brojne općine u BiH su uz tehničku, materijalnu i savjetodavnu pomoć KULTA uspjele izraditi i usvojiti svoje lokalne strategije prema mladima, povećao se broj njih koje su formalno usvojile KULTOV model odluke o kriterijima za dodjelu sredstava projektima za mlade, ali i koje su uvele ili povećale svoju budžetsku stavku za mlade.

1.187 mladih prošlo je pojedinačne obuke, a 296 polaznika/ca sudjelovalo je na višedijelnim programima. Gotovo svi sadržajili su se obučavanja i doobučavanja mladih i službenika/ca za mlade kako bi zajedničkim snagama praktično i održivo poboljšavali položaj ovog dijela populacije na lokalnom nivou. Najveći interes mladi su pokazali za usavršavanjima koja će im pružiti znanja i vještine za uspješno i zakonski usklađeno osnivanje vijeća mladih, odn. omladinskih savjeta.

22 saradnica i saradnika KULTA u 2011. g. kroz različite projekte, inicijative i aktivnosti zalagali su se za vladavinu prava u oblasti omladinskog rada i rada s mladima, promovirali su u javnosti značaj



neformalnog obrazovanja u procesu uključivanja mladih u društvene tokove, zagovarali su prema svim nivoima vlasti u BiH i regiji da mlade shvate kao značajan potencijal, a ne kao problem, te su animirali pasivne mlade da postanu odgovornim učesnicima/ama u društvu – kako za svoju korist, tako i za korist svojih vršnjaka/inja.

Institut je u 2011. g. na poziv Komisije za pitanja mladih Predstavničkog doma parlamenta FBiH ušao u proces izrade i donošenja zakona o volontiranju u FBiH kao formalni partner Komisiji. Ovaj zakon se ponajviše tiče mladih ljudi, te će, nakon što bude usvojen, nuditi brojne nove prednosti za mlade ljude, posebno na polju altruizma, ali i stjecanju radnog iskustva.

U svom Godišnjem izvještaju za 2011. predstavljamo najvažnije projekte i programe na kojima smo radili.

Ovdje se zahvaljujemo svojim vladinim i nevladinim partnerima na velikoj podršci i pomoći u djelovanju, te vjerujemo da ćemo imati priliku sarađivati s novim organizacijama.

I dalje stojimo na raspolaganju za nove ideje, partnerstva, inicijative i sugestije, te vas pozivamo da ih podijelite s nama.

KULT

Kako tro
javna
sredstva
namijen
mladim

Statistika: 2011.

- 1.187 mladih prošlo je pojedinačne obuke
- 296 polaznika/ca višedijelnih programa obuke
- oko 26.400 mladih koji su pratili naše aktivnosti i sudjelovali na njima u BiH i inostranstvu
- preko 2.000 medijskih pojavljivanja
- više od 100 događaja
- 38 sporazuma o provođenju projekata s lokalnim organima uprave u BiH
- 117 sporazuma o provođenju aktivnosti s omladinskim udruženjima u BiH i regiji
- ostvarena partnerska saradnja s 247 nevladinih organizacija iz BiH (kroz pisma podrške)
- 79 pisama podrške vladinih institucija za različite projekte
- preko 100.000 posjeta na web-stranicama www.mladi.org, www.obuka.ba, www.volontiraj.ba
- 83 aktivna volontera/ke (s kojima je potpisan ugovor o volontiranju)
- 97 malih građanskih inicijativa širom BiH koje su provodili omladinski lideri/ke u saradnji s omladinskim organizacijama u svom gradu
- 580 djece (mlađih od 15 godina) sudjelovalo je u projektima



site

ena

a?

AMET

projekti

Javna sredstva, računajte na mlade!

Inicijativa za povećanje odgovornosti javnih institucija u BiH za trošenje javnih sredstava.

Projekt traje od 1. marta 2011. g. do 31. maja 2012. g.

Cilj projekta Projektom se želi postići da tema nesankcionirane nenamjenske potrošnje javnih sredstava i nemara državnih vlasti prema preporukama revizora, prije svega dobije pažnju javnosti. Time se namjerava direktno utjecati na povećanje odgovornosti državnih institucija za ovo pitanje. Posebno se želi ukazati na neregularnosti u procesu dodjele budžetskih sredstava omladinskim organizacijama.

Projekt se provodi uz podršku:

Centri civilnih inicijativa (CCI) i USAID

Dosad postignuti rezultati

- Javnost je upoznata s problemom javne potrošnje, posebno u oblasti finansiranja projekata za mlade. Inicijativu je u pisanom obliku podržalo 9 političkih stranaka te 12 nevladinih organizacija koje se primarno bave javnom potrošnjom.
- Ministarstvo porodice, omladine i sporta Republike Srpske raspisalo je u 2011. g., novi javni poziv za finansiranje omladinskih projekata, sa znatno preciznijim kriterijima podjele sredstava.
- Prvi put je za Federalno ministarstvo kulture i sporta Vlada FBiH odobrila poseban Transfer za mlade u budžetu za 2012. g.
- Izrađen je prijedlog modela kriterija za dodjelu sredstava projektima za mlade za Federalno ministarstvo kulture i sporta.
- Izrađen je prijedlog zakona o izmjenama i dopunama Zakona o reviziji institucija BiH i upućen je u parlamentarnu proceduru usvajanja.
- Izvršena je analiza revozorskih izvještaja o finansijskom poslovanju entitetskih ministarstava nadležnih za mlade za period 2008-2010. g.



Aktivnosti do kraja projekta

- Štampanje i distribucija analize revizorskih izvještaja o finansijskom poslovanju entitetskih ministarstava nadležnih za mlade za period 2008-2010. g. *Kako su se trošila budžetska sredstva namijenjena mladima.*
- Praćenje procesa usvajanja zakona o izmjenama i dopunama Zakona o reviziji institucija BiH, te primjene kriterija o dodjeli sredstava projektima za mlade na entitetskom nivou.
- Vođenje sveobuhvatne kampanje za povećanje odgovornosti budžetskih institucija pri trošenju javnog novca.

Izjave korisnika/ca projekta

Predsjednik stranke SDU, gosp. Nermin Pećanac:

„SDU BiH u potpunosti podržava KULTOV zahtjev za bolje poštivanje revizorskih preporuka od strane budžetskih institucija. U potpunosti podržavamo svaku vrstu građanske inicijative usmjerene ka većem poštivanju revizorskih preporuka od strane budžetskih institucija. Za svaku dalju vrstu saradnje po ovim ili sličnim pitanjima stojimo vam na raspolaganju.“

Predsjednik Naše stranke, Dennis Gratz:

„Imate punu podršku Naše stranke u nastojanjima da pojačate pritisak na javne institucije koje se iz godine u godinu oglašuju na revizorske nalaze.“

Predsjednik DNZ BiH, Rifat Dolić:

„U svrhu konkretne podrške Vašoj inicijativi, izabrani dužnosnici DNZ BiH na svim nivoima vlasti u BiH, spremni su kroz svoje redovne aktivnosti, predmetnu inicijativu praktično podržati i pretvoriti u djelo.“

Savez za bolju budućnost:

„Vašu inicijativu Javna sredstva, računajte na mlade! podržavamo u cijelosti, jer se i SBB BiH preko svojih poslanika na svim nivoima vlasti zalaže za upravo ono što Vi želite postići ovom inicijativom – pravednija raspodjela budžetskih sredstava projektima za mlade i bolje poštivanje revizorskih preporuka od strane budžetskih institucija. Samo zajedničkim snagama i naporima možemo uspjeti Bosnu i Hercegovinu povesti u bolju budućnost. Stoga bezrezervno, dajemo punu podršku ovoj Vašoj inicijativi.“



Institucionalni dijalog između mladih i vlasti kroz osnivanje vijeća mladih

Projekt traje od juna 2011. g. do juna 2013. g.

Cilj projekta Formiranjem institucionalnih omladinskih predstavničkih struktura doprinijeti demokratskoj stabilizaciji, te razvoju građanskog društva u BiH, tako što će te strukture odgovorno i profesionalno sudjelovati u procesima donošenja odluka koje se tiču mladih na svim nivoima vlasti. Sve partnerske organizacije u projektu rade na tome da uspostave partnerske odnose – kako među omladinskim organizacijama, tako i s vlastima. Vlasti će prepoznati prednosti saradnje s nevladinim sektorom i smatrat će ga kompetentnim partnerom u izradi politika prema mladima i drugih strateških dokumenata.

Uspostavit će se održive institucionalne strukture koje će omogućiti učinkovitu saradnju omladinskih organizacija u cijeloj BiH, posebno organizacija iz ruralnih sredina; stvoriti održive kapacitete omladinskih organizacija u FBiH i u Distriktu Brčko, te omladinskih savjeta u RS-u. Očekuje se da će projektom biti obuhvaćene omladinske organizacije i vijeća/savjeti mladih iz svih krajeva BiH, kako bi se ojačali kapaciteti posebno organizacija u ruralnim sredinama i organizacija koje vode djevojke, kako bi se omladinski nevladin sektor prepoznao kao mogućnost za profesionalni angažman. Tako bi se proširila mreža saradnje i razmjene znanja i iskustava unutar omladinskih organizacija koje rade u bliskim oblastima. Ispunjavanje ovih ciljeva predstavlja pretpostavku za uspostavljanje dijaloga s vlastima.

Uključene općine:

22 općine iz FBiH i
Distrikta Brčko
14 opština iz RS-a
45 omladinskih
udruženja/savjeta

Formalni partner projekta:

Omladinski savjet
Vlasenica, PRONI Brčko,
Demokratska organizacija
mladih Velika Kladuša,
KULT Gradačac

Projekt se provodi uz podršku:

Evropska unija

Dosad postignuti rezultati

- Potpisani sporazumi o saradnji sa 30 omladinskih udruženja iz FBiH i BD i 15 omladinskih savjeta iz RS.
- Održano 5 modula obuke za omladinska udruženja.
- Održana 4 modula obuke za omladinske savjete.
- Forminano vijeće mladih općine Tomislavgrada i vijeće mladih općine Gornji Vakuf-Uskoplje.
- Podržano osnivanje 20 omladinskih udruženja u FBiH.
- Izrađen direktorij omladinskih udruženja/savjeta u BiH (www.direktorij.mladi.org).
- Izrađen promotivni video *Kako formirati vijeće mladih?* (dostupno na Youtube).

Aktivnosti do kraja projekta / naredne aktivnosti

- Zagovaračka kampanja za uspostavljanje vijeća mladih.
- Pružanje podrške omladinskim udruženjima u formiranju lokalnog vijeća mladih.
- Pružanje podrška lokalnim vijećima mladih u formiranju kantonalnih vijeća mladih.
- Monitoring i evaluacija formiranja vijeća mladih.
- Održavanje tri trodnevne radionice za vijeća mladih i omladinske savjete iz FBiH, RS i Distriktu Brčko.
- Pružanje savjetodavne pomoći vijećima mladih u uspostavljanju održive saradnje s vlastima.
- Izrada brošure za vlasti koja će se ticati uspostavljanja institucionalnog dijaloga s vijećima mladih.
- Održavanje jednodnevne konferencije za predstavnike/ce vlasti, vijeća mladih, medije i međunarodne organizacije u BiH na kojoj će se prezentirati primjeri dobre prakse i na taj način motivirati ostale predstavnike/ce vlasti da urade isto.
- Pružanje savjetodavne podrške vlastima u podržavanju vijeća mladih i uspostavljanju partnerskih odnosa s njima.
- Održavanje trodnevnog seminara za službenike/ce za mlade iz BiH o provođenju zakona o mladima u BiH.



Izjave korisnika/ca projekta

„Drago mi je što je Udruženje mladih CAZIN.NET postalo dijelom zaista vrijednog projekta Institucionalni dijalog između mladih i vlasti kroz osnivanje vijeća mladih Instituta za razvoj mladih KULT. Kroz program obuke koji sam prolazila prethodnih mjeseci sam puno naučila, što je doprinijelo da kvalitetnije djelujem u organizaciji iz koje dolazim. Program je zaista dobra osnova za ono što slijedi. A to je zajedničko definiranje i rješavanje problema i potreba mladih.“

(Emina Sivić, polaznica obuke jačanja vijeća mladih, Cazin, 24. g.)

„Kroz projekat imala sam priliku učestvovati na nekoliko seminara gdje smo obrađivali razne teme značajne za već postojeće omladinske savjete, osnivanje novih savjeta i njihovu saradnju s vlastima, kao i to kako mi kao pojedinci možemo doprinijeti boljoj i funkcionalnijoj saradnji s vlastima i jačanju naših organizacija kroz omladinske savjete. Osim znanja i vještina koje nosim sa sobom imala sam priliku upoznati mnoge mlade ljude iz različitih sredina, koji dijele iste ili slične probleme.“

(Sandra Lipovac, polaznica obuke jačanja vijeća mladih, 24. g.)



Jednake mogućnosti za sve mlade!

Projekt za povećano socijalno uključivanje marginaliziranih mladih kroz institucionalnu saradnju vlasti i organizacija građanskog društva

Projekt traje od decembra 2010. do decembra 2012.

Cilj projekta Cilj projekta je osnažiti mlade iz Bosne i Hercegovine, Hrvatske i Srbije da preuzmu vodstvo u zaštiti svojih prava, da utječu na donosiocima odluka i poboljšaju kvalitetu života, prihvatajući demokratske principe građanskog društva kao svoj životni stil.

Uključene općine:

Bosna i Hercegovina:
Općina Ilidža,
Općina Bihać,
Opština Ljubinje,
Opština Zvornik,
Općina Gornji Vakuf –
Uskoplje

Hrvatska:
Grad Zagreb,
Grad Ozalj,
Grad Solin i
Grad Vodnjan

Srbija:
Opština Stari grad –
Beograd,
Opština Čoka i
Opština Blace

Dosad postignuti rezultati

Institut za razvoj mladih KULT je u 2011. g. raspisao javni poziv na osnovi kojeg su odabrane lokalne zajednice i organizacije koje učestvuju u projektu. 13 organizacija potpisalo je sporazum o pristupanju *Mreži za promociju društvenog uključivanja mladih*. Predstavnicima/e lokalnih zajednica i lokalnih partnerskih organizacija prisustvovali su studijskoj posjeti organizacijama u Berlinu koje se bave mladima i društvenim uključivanjem. Istraživanje o društvenoj uključenosti mladih provedeno je u 12 lokalnih zajednica. Na osnovi rezultata istraživanja izrađene su preporuke koje će se ugraditi u lokalne strategije prema mladima. Članice Mreže odabrale su 24. mladih koji su pohađali obuku *Uči, misli i djeluj!*, te postalo omladinskim liderima/kama.

Formalni partner projekta: Mreža mladih Hrvatske, Zagreb (Hrvatska), Resursni centar za razvoj ALFA, Novi Sad (Srbija) i Evropski interkulturalni forum, Berlin (Njemačka).

Projekt se provodi uz podršku:

Evropska unija, Brisel - IPA fond, dvv International, Regionalbüro Sarajevo



Aktivnosti do kraja projekta

Preporuke društvenog uključivanja mladih ugradit će se u lokalne strategije prema mladima i implementirati. Tako će se stvoriti održivi mehanizmi uključivanja mladih u društveni život. Simultana javna kampanja s ciljem podizanja svijesti o značaju društvene uključenosti mladih provest će se u Bosni i Hercegovini, Hrvatskoj i Srbiji. Regionalna radionica za predstavnike/ce svih nivoa vlasti i organizacije građanskog društva također će biti organizirana. Nizom okruglih stolova, radionica i seminara nastojat će se poboljšati društveno uključivanje mladih u regiji.

Izjave korisnika/ca projekta

„Drago mi je što sam dijelom ovako velikog projekta jer ste mi pomogli da se upoznam s novim ljudima, te da počnem sudjelovati u svojoj lokalnoj zajednici. Nakon obuke sam shvatila da i mi mladi imamo pravo glasa u našem gradu i da možemo aktivno sudjelovati. Samo naprijed!“

(Stella Jurić, omladinska liderka, Solin, Hrvatska, 20 g.)

„Projekt Jednake mogućnosti za sve mlade! za mene je višestruko značajan. Omogućio je mladima s područja naše općine da kroz obuku steknu nova znanja i vještine za aktivno uključivanje u društvenu zajednicu, ali i da se druže i upoznaju sa vršnjacima iz drugih sredina. Ostvarena je i regionalna saradnja omladinskih organizacija. Tokom studijske posjete Berlinu imala sam mogućnost vidjeti primjere dobre prakse socijalne uključenosti mladih, te razmjeniti iskustva sa službenicima/ama za mlade i predstavnicima/ama omladinskih organizacija iz drugih gradova i država.“

(Amra Bojičić, službenica za pitanja mladih, Iliđa)



Grad Sarajevo te obrazuje!

Inicijativa za promociju programa neformalnog obrazovanja u gradu Sarajevo

Projekt je trajao od augusta 2011. g. do februara 2012. g.

Cilj projekta Poboljšanje obrazovne strukture mladih u gradu Sarajevu i djelovanje na razvoj neformalnog obrazovanja u svrhu jačanja kulture učenja, boljeg plasmana mladih na tržištu rada i stvaranja aktivnih građana/ki, te poboljšanje rada institucija koje nude programe neformalnog obrazovanja u Sarajevu, kako bi imali uređene ponude dostupne javnosti.

Uključene općine:

*Općina Novi Grad Sarajevo,
Općina Novo Sarajevo,
Općina Stari Grad Sarajevo,
Općina Centar Sarajevo*

Projekt se provodi uz podršku:

UNDP – Jačanje lokalne demokratije/demokracije – LOD II, Sarajevo

Postignuti rezultati u 2011. g.

- Kreiran je jedinstveni popis nevladinih organizacija koje nude programe neformalnog obrazovanja na području Sarajeva.
- Predstavnic/e nevladinih organizacija prošli su dva modula treninga o temama *PR i komunikacijski alati za promociju programa neformalnog obrazovanja u medijima i javnosti, Korištenje online baze podataka.*
- Uspostavljena online baza podataka - *www.gradsarajevo.mladi.org* - koja na jednom mjestu nudi prijedlog svih nevladinih organizacija u Sarajevu koje nude neformalno obrazovanje.
- Povećana svijest javnosti o prednostima koje neformalno obrazovanje ima za mlade.

Aktivnosti u 2012. g.

- Dva modula treninga o temama *Pisanje kurikulumu za neformalno obrazovanje mladih* i *Kako identificirati ciljnu grupu i animirati je za sudjelovanje u programima neformalnog obrazovanja*.
- Izrada kataloga (vodiča) koji će se koristiti kao referenca za organizacije koje nude neformalno obrazovanje.
- Promocija projekta i projektnih aktivnosti u javnosti – baneri na najčitanijim internetskim portalima, zakup medijskog prostora.
- Konferencija za medije - predstavljanje online baze podataka i Kataloga 2011./2012.



Izjave korisnika/ca projekta

„Najveći značaj projekta Grad Sarajevo te obrazuje! je u činjenici da okuplja vrlo širok i raznovrstan spektar organizacija čime osvještuje prvo nas, a zatim i ostale građane/ke o bogatstvu kvalitetnih mogućnosti koje se pružaju mladima u našem gradu. Također daje pozitivan poticaj koji je svima potreban u „atmosferi beznađa“. A sama edukacija predstavnika/ca odabranih organizacija je koncipirana tako da, bez obzira na različita polja i načine djelovanja, svi mogu dobiti informacije koje će koristiti u radu.“

(Andrea Mijatović, Udruženje za prevenciju ovisnosti NARKO-NE, Sarajevo)

„Izvanrednost ovog projekta ogleda se u njegovom doprinosu promociji i razvoju neformalnog obrazovanja, te u podizanju razine profesionalizacije rada institucija koje mladima nude programe neformalnog obrazovanja. Online baza podataka koja je napravljena u sklopu ovog projekta, a koja predstavlja jedinstven i sistematičan popis svih organizacija, je odličan način da se omogući bolja i lakša suradnja i komunikacija organizacija, ali i da se mladima ponude uređene i dostupne informacije.“

(Renata Vrdoljak, Nadbiskupijski centar za pastoral mladih Ivan Pavao II, Sarajevo)



Zakon o volontiranju FBiH

Izrada teksta Zakona o Volontiranju FBiH
i lobiranje za njegovo usvajanje u
Parlamentu FBiH

Projekt traje od 2010. god.

Cilj projekta Cilj je Institucionalizacija volonterskog rada i pravnog priznavanja volontera.

Formalni partner

projekta:

*Komisija za pitanja mladih
Parlamenta Federacije BiH*

Dosad postignuti rezultati

- Na projektu intenzivno radi i Komisija za pitanja mladih Parlamenta FBiH s kojom je KULT održao niz radnih sastanaka u vezi s izradom teksta Nacrta zakona o volontiranju FBiH.
- 5. decembra, na Međunarodni dan volonterstva, Nacrt zakona o volontiranju FBiH je upućen u parlamentarnu proceduru.



Aktivnosti do kraja projekta / naredne aktivnosti

- Nakon usvajanja Nacrta zakona o volontiranju, uslijedit će javne rasprave u trajanju od dva mjeseca.

Obrazovno-raznodni centar za mlade

Centar je zvanično otvoren 26. augusta 2008. g.

Cilj Centra Obrazovno-raznodni centar za mlade SPAJALICA, čiji je osnivač Institut za razvoj mladih KULT, sudjeluje u donošenju i provođenju odluka koje se tiču poboljšanja položaja mladih, provođenje pristupačnih i inovativnih obuka i aktivnosti za njihovo nefromlno obrazovanje i raznodu, u skladu s ustanovljenim potrebama.

Uključene općine:

Općina Ilidža

Formalni partner projekta:

Općina Ilidža

Projekt se provodi uz podršku:

Općina Ilidža

Prošlogodišnji rezultati

SPAJALICA je u prošloj godini bila vrlo posjećena kroz različite edukacije, druženja, posjete, Dan mladih, ali i aktivnosti vezane za Strategiju prema mladima, koje je i ove godine podržala Općina Ilidža.

Susreti mladih kroz Savjetovanje za mlade su okupili više od 50 mladih, a održavani su jednom mjesečno. Na savjetovanjima su razgovarali o raznolikim temama kao što su *Ja u očima drugih i zašto mi je to važno*, *Sanjaš? Istraži svoje snove!*, *Roditelji – Možemo li se dogovoriti?*, *Šta mogu saznati o sebi kroz vođenu fantaziju?*. SPAJALICA je imala veliki broj studijskih posjeta iz raznih gradova BiH, ali i svijeta. U 2011. g. SPAJALICA je organizirala brojne radionice koje se provode u okvirima projekata KULTA. Da je SPAJALICA centar za mlade koji se bori protiv svih negativnih stvari današnjice dokazuje i dvodnevni seminar o temi Borba protiv dopinga koji je okupio sportiste/kinje raznih sportova te trenere/ice i druge koji su bili zainteresirani za temu. SPAJALICA je bila mjesto novih ideja i aktivnih mladih koji žele unaprijediti iični i društveni razvoj. Sadržaji su bili dostupni kako mladima iz Ilidže, tako i svima iz drugih općina širom BiH, ali i svijeta.



Buduće aktivnosti

- Nastaviti organiziranje druženja *Kafa s parlamentarcima/kama*
- Implementiranje aktivnosti iz Strategije prema mladima Općine Ilidža.
- Organizirati aktivnosti koje u će biti uključeni volonteri/ke KULTA, te onih koje će sami osmišljavati i provoditi.
- Oposobiti prostorije podruma za upotrebu.
- Planirati brojne radionice vezane za projekte KULTA.
- Organizirati seminare, edukacije, druženja, savjetovanja i dr.

Izjave korisnika/ca projekta

Ovo je prilika da se zahvalim za saradnju koja traje već duži niz godina u različitim oblicima, a najčešće kroz realizaciju projekata koje realizirate u našoj školi. Smatram da su nam veoma korisni vaši projekti sa peer edukatorima/cama, kao što je Info-tačka, obilježavanje međunarodnih datuma vezanih za zdravlje, sajmovi i sve druge aktivnosti u koje su uključeni učenici srednjih škola, posebno naše škole.
(gosp. Šefik Dželović, direktor Četvrtе gimnazija, Ilidža)

Biti volonterkom SPAJALICE je velika čast. Doprinositi razvoju svoje zajednice i biti aktivnim pokretačom promjena, čini me vrlo sretnom i zadovoljnom. SPAJALICA mi je pružila sve ono što nisam mogla pronaći u redovnom obrazovanju. SPAJALICA je moja druga kuća, mjesto za učenje, druženje i odrastanje u zdravom okruženju. Kao volonterka SPAJALICE znam da mnoge stvari mogu biti bolje, samo se moramo aktivirati i zajedno raditi na postizanju cilja. SPAJALICA me je naučila tomu.

(Amina Durmišević, volonterka KULTA, 23. god.)



KOŠNICA

Jačanje mladih liderki u omladinskim organizacijama

Projekt je trajao od decembra 2009. do decembra 2011.

Cilj projekta Cilj projekta je povećanje emancipacije i samopouzdanja mladih žena i njihove svijesti o važnosti aktivnog uključivanja u demokratskom društvu kao javnih osoba, kreiranje novih odnosa i udjela u zastupljenosti žena u bh. društvu.

Uključene općine:

Općina Stari Grad Sarajevo,
Općina Centar Sarajevo,
Općina Novi Grad Sarajevo,
Općina Novo Sarajevo,
Općina Ilidža,
Općina Žepče,
Općina Gračanica,
Općina Vogošća,
Općina Velika Kladuša,
Općina Šekovići,
Općina Vlasenica,
Općina Šipovo,
Općina Istočna Ilidža,
Općina Prijedor i
Općina Bugojno

Formalni partner projekta:

Udruženje BH Expert

Projekt se provodi uz podršku:

Fond za ravnopravnost spolova - UN WOMEN

Dosad postignuti rezultati

- Saradnja 180 djevojaka iz 12 općina i 12 lokalnih omladinskih organizacija iz cijele BiH koje promoviraju ravnopravnost spolova.
- Omladinske liderke su stekle znanja i vještine u sljedećim oblastima: Volonterstvo i građanski aktivizam, Timski rad i liderstvo, Rodno osvještavanje, Odnosi s javnošću, Ljudska prava i demokratija, Omladinski rad i politika prema mladima, Pitanje ravnopravnosti spolova u strategiji prema mladima, Samoosnaživanje i Javno zagovaranje.
- Djevojke su stekle vještine kroz praktično provođenje 22 male građanske inicijative i studijsku posjetu njemačkom gradu Köln.
- 180 djevojaka je preuzelo vodstvo u procesima donošenja odluka.
- Omladinske liderke su postale prepoznate kao partnerice u dijalogu s „društvom politike“ kroz ojačane zagovaračke i organizacijske sposobnosti.
- Omladinske liderke su postale prepoznate kao partnerice u provođenju strategije/politike prema mladima i državnog Akcionog plana za ravnopravnost spolova.
- Polaznice su unaprijedile svoje sposobnosti u preuzimanju odgovornosti i zalažu se za prava žena i ravnopravnost mladih na svim razinama vlasti u BiH.



- Projektom je povećan kapacitet djevojaka za aktivno uključivanje u provođenje strategije/politike prema mladima na lokalnom nivou.
- Djevojke su osnažene u aktivnim ulogama u razvoju demokratskog društva.
- Formirana je Fondacija KOŠNICA koja će nastaviti raditi u djelokrugu projekta.



Izjave korisnika/ca projekta

„Opisati projekt Košnica i nije baš jednostavno, teško je naći dovoljno velike riječi. Mogu reći da smo kroz module rasle, učile, rušile sve barijere i nadmašile očekivanja. Naše aktivnosti najbolje govore o stečenim znanjima, vještinama i dokazali smo da možemo da funkcionišemo kao jedna višečlana porodica u kojoj su svi članovi ravnopravni bez obzira na ime, vjeru, nacionalnost. Drago mi je što sam imala priliku da budem učesnica jednog ovako kvalitetnog projekta.“

(Bojana Kenjić, omladinska liderka, Istočna Ilidža, 20. g.)

„Projekt KOŠNICA u Gračanici smo implementirali s velikom radošću, jer je našoj organizaciji ponudio osnaživanje i edukaciju volonterki, kao temelj rada ANEA-e na polju promicanja prava žena u lokalnoj zajednici. Treninzi su djevojkama omogućili stjecanje znanja koja su one iskoristile da, po prvi put u Gračanici, u javni prostor uvedu prava žena, te da pokrenu niz aktivnosti u ovom smjeru. Također, poznanstva s drugim djevojkama iz KOŠNICE postala su osnova za umrežavanje naše organizacije s prijateljima iz cijele BiH.“

(Senad Šehagić, koordinator volonterskog rada ANEA-MG, Gračanica, 29. g.)



Info-tačka za mlade

Mjesto povjerljivog informiranja i savjetovanja

Info-tačka radi od augusta 2009. g.

Cilj projekta Info-tačka za mlade nastoji podići svijest mladih o seksualnom i reproduktivnom zdravlju. Info-tačka se sastoji iz tri dijela: vršnjačke edukacije, metodologije *Zaplovimo zajedno!*, kao i interaktivne *info-tačke* gdje se mladi mogu informirati i posavjetovati o svim temama koje ih zanimaju.

Uključene općine:

Općina Iliđža

Formalni partner projekta:

Općina Iliđža,
Dom zdravlja Iliđža,
udruženja VIBRACIJA i
INFOHOUSE

Postignuti rezultati u 2011. g.

- Info-tačku je koristilo preko 400 osoba.
- Održano 30 vršnjačkih edukacija u osnovnim i srednjim školama.
- Edukativna metodologija prijenosa znanja *Zaplovimo zajedno!* prezentirana je više od 20 puta u srednjim školama s područja općine Iliđža i u Obrazovno-raznodnom centru za mlade SPAJALICA.
- Održan follow-up trening za vršnjačke edukatore/ice.
- Obilježen Međunarodni dan borbe protiv AIDS-a, Međunarodni dan kontracepcije i Međunarodni dan mladih.
- Organizirana aktivnost dobrovoljnog darivanja krvi.
- Projektne aktivnosti prezentirane u TV emisiji *Love Karavan*, koja se emitira na Federalnoj televiziji, te *Dejana talk show* na OBN-u.



Buduće aktivnosti

- Održavanje vršnjačkih časova edukacije u srednjim i osnovnim školama iz Ilidže.
- Obilježavanje značajnih međunarodnih dana iz oblasti zdravlja.
- Učešće vršnjačkih edukatora/ica na dodatnim seminarima, obukama i konferencijama iz ove oblasti.
- Održavanje Zaplovimo zajedno! radionica u Centru za mlade.
- Edukacija novih vršnjačkih edukatora/ica.

Izjave korisnika/ca projekta

„U okviru Info-tačke za mlade kao vršnjačka edukatorica za reproduktivno zdravlje volontiram već godinu dana. Zajedno s drugim edukatorima/cama obavila sam brojne akcije i edukacije kako u srednjim školama tako i u Obrazovno-raznodnom centru za mlade SPAJALICA.“

(Berina Šabanović, vršnjačka edukatorica, Ilijaš, 19. g.)

„Saradnja s KULTOM nam je osigurala da projekt Love Karavan dobije kvalitetan sadržaj kroz učešće vršnjačkih edukatora u televizijskoj emisiji. Iznenađeni smo količinom znanja, komunikacijskim vještinama, optimizmom i vedrinom kojima se odlikuju mladi ljudi ove organizacije. Svaki dogovoreni detalj tokom saradnje su ispoštovali sa preciznošću i posvećenošću na kojima bi im pozavidjeli profesionalci s mnogo više godina iskustva u poslu. KULT je, baš kako se i doima na prvi pogled njihovih prostorija, oaza kreativnih ideja, pozitivnih vibracija i veoma nas raduje zajednički nastavak saradnje kroz mnoge projekte koji slijede.“

(Peđa Kazazović, direktor organizacije VIBRACIJA, Sarajevo, 28. g.)



Škola prijateljstva

Škola prijateljstva okuplja djecu od prvog do četvrtog razreda osnovnih škola s područja općine Iliđa

Projekt traje od 2008. godine

Cilj projekta Kroz različite aktivnosti djeca se druže sa svojim vršnjacima/kinjama, uče kroz igru, dobivaju odgovarajuću pomoć pri izradi svojih domaćih zadataka, prepoznaju svoje potencijale, razvijaju se u ličnosti, sudjeluju u projektima koji ih jačaju, neformalno se druže i tako socijaliziraju. Održava se četiri puta sedmično, u dva različita termina. Kurs engleskog i njemačkog jezika, koji djeluju kroz ovaj projekt, održavaju se svake subote. Projekt daje polaznicima/ama osnovna znanja i vještine u oblasti demokratije, građanske odgovornosti i solidarnosti.

Uključene općine:

Općina Iliđa

Projekt se provodi uz podršku:

Općina Iliđa

Prošlogodišnje aktivnosti

- Četiri puta sedmično organizirana je pomoć u pisanju zadaće polaznika/ca, tokom cijele godine.
- Dva puta sedmično organizirane su dodatne radionice o građanskom društvu, prirodnim i društvenim naukama, književnosti i zabave, tokom cijele godine.
- Pripremljene su brojne priredbe i drugi kulturni sadržaji.
- Organizirane su posjete pozorišnim predstavama, kino projekcijama.
- Upriličena su druženja na bazenu i klizalištu.
- Polaznici/e su sudjelovali u televizijskoj emisiji za djecu – KIKE show.
- Kurs engleskog i njemačkog jezika održavan je svake subote tokom cijele godine.
- Organizirana su savjetovanja polaznika/ca i roditelja.



Škola prijateljstva nastavit će sa svim dosadašnjim aktivnostima i u narednoj godini.

Izjave korisnika/ca projekta

U Školi prijateljstva volontiram već dvije godine. Zajedno s drugim volonterkama radimo s djecom uzrasta od prvog do petog razreda. Projekt obuhvata rad s djecom, učenje novih znanja i razvijanje kreativnosti. Sigurna sam da ću i ubuduće biti dijelom ovoga projekta jer volim raditi s djecom nižega uzrasta.

(Hana Lokvančić, volonterka Škole prijateljstva, Sarajevo, 21 g.)

Spjalica za mene je nešto kao san, igramo se, družimo se, idemo u kino, u pozorišta, na klizanje, pišemo zadaću, a sve to s našim volonterima/kama iz SPAJALICE. Presretna sam što idem u Školu prijateljstva.

(Belma Čosić, polaznica Škole prijateljstva, 9 g.)



PLANSKA IGRA O EU

Metodologija približavanja mladima procesa pridruživanja zemalja kandidata Evropskoj uniji

Projekt traje od 2008. g.

Cilj projekta Planska igra o Evropskoj uniji ima cilj upoznati mlade ljude o radu institucija Evropske unije te o procesu kroz koji zemlje kandidati pritupaju Evropskoj uniji.

Formalni partner

projekta:

Pharos Stuttgart, Njemačka

Projekt se provodi uz podršku:

Projekt su do sada podržali:

IFA, Stuttgart;

Austrijska razvojna agencija

ADA u BiH;

općine u BiH;

Ambasada SR Njemačke

u BiH;

Parlament BiH

Dosad postignuti rezultati

- U projektu je do sada učestvovalo preko 1000 mladih ljudi iz cijele Bosne i Hercegovine, Srbije, Hrvatske i Crne Gore.
- Polaznici/e Akademije za političke lidere/ke nevladine organizacije Perpetuum mobile iz Banje Luke, učestvovali su u Planskoj igri održanoj u Parlamentu BiH.
- KULT je organizirao obuku novih facilitatora za Plansku igru. Razlog ovome bila je izuzetna zainteresovanost mladih koji su kao sudionici učestvovali u Planskoj igri da nauče više i da svojim vršnjacima prenesu ta znanja.



Aktivnosti do kraja projekta / naredne aktivnosti

U 2012. g. nastojat ćemo naći sredstva za organiziranje Planske igre kako bi što više mladih kroz neformalno učenje saznali kako funkcioniraju EU i državne institucije u zemljama kandidatima, te koji je proces pristupanja EU.

Izjave korisnika/ca projekta

„Moja iskustva u vezi sa ovim projektom su izuzetno pozitivna. Dobro osmišljen i pripremljen projekt uz vrlo aktivne facilitatore do sada je dao izvrsne rezultate. Imala sam priliku raditi s najrazličitijim grupama mladih - od starosno heterogenih grupa, preko grupa različitih u pogledu predznanja sudionika/ca o temama koje se tiču Evropske unije do međunarodnih grupa. Znanje koje sam stekla tokom provođenja ranije organiziranih planskih igara sa zadovoljstvom sam podijelila sa budućim kolegama facilitatorima i najiskrenije se nadam da će projekt Planska igra o EU u budućnosti rasti. Uvijek iznova rezultati su bili sjajni! Planska igra o EU je najbolji način da se napravi prvi susret s kompleksnom temom poput Evropske unije, ali i da se otkriju i dožive novi detalji o radu institucija EU.“

(Amra Muratović, trenerica Planske igre o EU, sarajevo, 37. g.)



Razmjena volontera/ki

Projekt traje od 2009. god.

Cilj projekta Razmjenom volontera/ki koji dolaze iz Njemačke u KULT omogućujemo mladima da razmjenjuju svoja iskustva, da prenesu znanja i vještine iz druge kulture, te da upoznaju bh. društvo.

Formalni partner

projekta:

EIRENE, Njemačka; Pharos, Stuttgart, Njemačka.

Projekt se provodi uz

podršku:

Njemačkog ministarstva za privredni razvoj i saradnju (BMZ)

Dosad postignuti rezultati


- Do sada su tri volontera radila u Institutu za razvoj mladih KULT na raznim projektima. Ovogodišnji volonter angažiran je na programu Škola prijateljstva.
- Volonter je u 2011. g. razvijao sistem rada Škole prijateljstva te, zajedno s domaćim osobljem, postavio standarde za ovaj projekt.
- U drugoj polovini 2012. g. očekujemo narednog volontera/ku iz Njemačke.



Izjave korisnika/ca projekta

„Svakoga dana, od ponedjeljka do četvrtka, u Školi prijateljstva održavamo dvije radionice u trajanju od dva i po sata. Imam slobodu dizajnirati koncept programa i uvoditi nove ideje. Divan je osjećaj vidjeti radost kao rezultat našeg rada. Kada je vani sunčano, vrijeme provodimo u prekrasnom parku koji okružuje Obrazovno-raznodni centar za mlade SPAJALICA. Unutar centra se nalaze prostorije u kojima se možemo igrati, doći do kreativnih aktivnosti i uraditi domaću zadaću. Moje znanje bosanskog jezika se značajno poboljšalo. Naravno, ne razumijem svaku riječ, ali volim trenutke tokom kojih se odvija komunikacija, kada mi se čini da sve više i više razumijem i kad se prisjetim nekih već naučenih riječi, koje na trenutak zaboravim. Ova godina provedena u inostranstvu ima veliki lznačaj za mene! Počeo sam zrelije razmišljati o sebi i životu razmatrajući buduće opcije i mogućnosti. Iskreno mogu kazati da je ovo najbolje vrijeme u mom životu.“

(Theodor Rieche, volonter u SPAJALICI, 20 godina)



Institut za razvoj mladih KULT

www.mladi.org

kult@mladi.org

**Obrazovno-raznodni centar
za mlade SPAJALICA**

Banjska 2

71210 Ilidža, BiH

T/F: +387 33 637 290

Ured Ilidža

Administracija i Računovodstvo

Dobrinjska 7

71210 Ilidža, BiH

T/F: +387 33 621 351

Ured Gradačac

Reufa Huseinagića bb

76250 Gradačac, BiH

T/F: +387 35 818 472

